

## კონფლიქტოლოგიური კვლევები უცხოეთსა და საქართველოში

ნინო წერეთელი

თანამედროვე კონფლიქტის თეორიის შემუშავებაში ამ თეორიის აქტუალიზაცია სტრუქტურულ-მა ფუნქციონალიზმა მოახდინა. იგი საზოგადოებას განიხილავს როგორც ობიექტურ რეალობას, რომელიც შედგება ერთმანეთთან დაკავშირებული და ერთმანეთზე დამოკიდებულ ნაწილებისაგან, რომლებიც საზოგადოების განვითარებაში სახედასხვა ფუნქციებს ასრულებენ. მათი განვითარება და ფუნქციონირება შეიძლება აიხსნას მხოლოდ „შიგნიდან“ ისტორიულ-შედარებითი მეთოდის საშუალებით. (თავად სტრუქტურულ ფუნქციონალიზმს საფუძველი ჩაეყარა ფუნქციონალიზმმა. ეს ტერმინი პირველად იხმარეს ინგლისელმა გ. სპენსერმა და ფრანგმა ო. კონტამ, მის განვითარებას დიდი ღვაწლი დასდეს ე. დიურკჰეიმმა, ა. რადკლიფ-ბრაუნმა, ბ. მალინიესკიმ, ე. ვანს-პრიტჩადმა, თავად სტრუქტურულ ფუნქციონალიზმს კი რ. მერტონმა და სხვა [2,21].

თავად კონფლიქტის თეორიის შემუშავებას სათავე დაუდო ლუის კოზერმა ნაშრომით „სოციალური კონფლიქტის ფუნქცია“, რომელშიც იგი წესრიგს და კონფლიქტს განიხილავს როგორც ორ თანასწორ სოციალურ პროცესს [1]. ლ. კოზერი განსაკუთრებით ყურდნობდა გერმანელი სოციოლოგისა და კულტუროლოგის გ. ზიმელის კონცეპციას, რომ კონფლიქტი, როგორც შედეგი, არამედ ორივე – როგორც კოზიციური, ასევე – ნეგატიური [1]. სწორედ ამაში მდგომარეობდა გ. ზიმელის დამსახურება, რასაც სხვები უარყოფდნენ. ზიმელმა საფუძველი ჩაუყარა ე.წ. კონფლიქტურ ფუნქციონალიზმს. დიდი მნიშვნელობა აქვს მის დასკვნებს სისტემის შიდა სტრუქტურაზე კონფლიქტის ზემოქმედების შესახებ. მისი აზრით, ექსტრემალურ სიტუაციაში (მაგ. ომის დროს) ძლიერება ტენდენცია ცენტრალიზაციისაკენ დესპოტური რეჟიმების დამყარების ჩათვლითაც კი. გ. ზიმელის მნიშვნელოვან წვლილს კონფლიქტის თეორიაში წარმოადგენს მესამე მხარის ჩართულობა, რაც კოალიციის ფორმირების პროცესების, ჯგუფური სოლიდარობის განვითარების, რთული სოციალური ურთიერთქმედების კვლევის საშუალებას იძლევა.

გერმანელმა სოციოლოგებმა, რომლებმაც თავის თავზე გამოსცადეს ფაშიზმი და ნაციაზმი და, რომლებიც ვისკონტის უნივერსიტეტში დამკვიდრდნენ, აღმოსავლეთ ევრაზიაში მიმდინარე კონფლიქტური პროცესები ნორმიდან გადახვევად კი არ ჩათვალეს, არამედ სოციალური ცხოვრების რივით პერიოდად. ამ მიმდინარეობის ერთ-ერთი წარმო-

მადგენელი რაღაც დარენდორფი ამტკიცებდა, რომ კონფლიქტი არის საზოგადოებრივი ცხოვრების საფუძველი. რ. დარენდორფმა გაანალიზა კონფლიქტების წარმოშობის პირობები, ფაქტორები, რომლებიც განსაზღვრავს მათ სიმწვავეს, გადაწყვეტის გზებსა და რეგულირებას, რეალურ და შესაძლო შედეგებს, მისი კონცეპციის თანახმად კონფლიქტური ურთიერთქმედებას ფართო საზღვრები გააჩნია. ამასთან მკვლევარი თვლის, რომ კონფლიქტებისა და საზაგოებაში ცვლილებების ძირითად მიზეზს წარმოადგენს ძალაუფლება და ავტორიტეტი. ის თვლის, რომ მცდელობები სოციალური ანტაგონიზმის მიზეზების ლიკვიდაციისთვის უსარგებლოა და უშეუბეს შესაბამისი ზომების მიღების შემთხვევაში კონფლიქტის დინამიკის ცვლილებაზე ზეგავლენის მოხდენის შესაძლებლობას. იგი კრიტიკულად მიუღდა მარქსისა და ვებერის ინტერპრეტაციას ომის შემდგომი საზოგადოების განსაკუთრებული პირობების გამო იქ შეუძლებლად მიიჩნია მარქსისტული ინტერპრეტაცია. მან კლასების კონფლიქტი განიხილა როგორც ჯგუფის, ან საერთოდ კერძო შემთხვევა, რადგანაც, მისი აზრით, კლასი ზოგადად ყალიბდება არა წარმოების ან საკუთრების ფენომენის გავლენით, არამედ განაწილებისა და გაბატონების გამო რ. დარენდორფისათვის ამ მყაროს სოციალური სურათი არის ბრძოლის ველი.

ჯგუფები ქმნიან ალიანსებს და ერთმანეთთან ბრძოლით კიდევ ანგრევენ მათ. ობიექტური ინტერესები სამყაროში წარმოქმნის პოტენციურ კონფლიქტურ ჯგუფებს, რომელსაც ის კვაზი-ჯგუფი შეიძლება გახდეს კონფლიქტური. იგივე პირობები სხვა ჯგუფთან განსხვავებულ ფორმებს გვაძლევს და განაპირობებს კონფლიქტის შედეგებს.

ცნობილი გერმანელი მეცნიერის მაქს ვებერის აზრით კონფლიქტი საზოგადოებრივი ცხოვრების ნაწილია და არ შეიძლება ამ სფეროდან მისი გამოორიცილება: „სამყარო არის კონფლიქტის ფორმების ან კონფლიქტში მონაწილე დაპირისპირებული მხარეების ან კონფლიქტების მიზნების ან, უკიდურეს შემთხვევაში, არჩევანის შესაძლებლობების ცვალებადობა“.

ვებერმა ადამიანის სოციალურ მოქმედებათა (როცა ჩანათქერი შეეფარდება სხვა ადამიანების მოქმედებას და ორიენტაციაც მათკენ აქვს მიმართული) ოთხი ტიპი გამოიყო.

ა) მიზანრაციონალური

ბ) ღირებულებით – რაციონალური

გ) ეფექტური

დ) ტრადიციული

მან უფრო მაღალ კატეგორიაში გაიყვანა სოციალური მოქმედება ანუ ურთიერთობები სოციალური მოქმედებების მყარი კავშირი, სოციალურ მოქმედებათა მაგალითებია ბრძოლა, მტრობა (მტრული განწყობა), სიყვარული, მეგობრობა, კონკურენცია, გაცვლა და ა.შ. [2,24].

ამერიკელი სოციოლოგი ტალკოტ პარსონსი ერთმანეთისაგან განასხვავებდა ბიოლოგიურ-ფიზიკურ და სოციალურ ქმედებებს. იგი თავის გამოკვლევებში უფრო მეტ ინტერესს იჩენდა სოციალური დარაზმულობის, ცვლილებების მიმართ, რადგან ამ დროს მეტია შუქარა. მეცნიერის ყურადღება მიჰყვარობილი იყო არა რაციონალური, არამედ არარაციონალური ინტერესების შეჯახებისაკენ, რადგან ამგვარ ინტერესთა დაპირისპირებისას შეუძლებელია მოლაპარაკება და სოციალური კონტაქტი. პარსონსი კონფლიქტს განიხილავდა, როგორც მოვლენას, რომელიც თავიდანვე იწვევს ნგრევას და არღვევს სისტემას და მის ფუნქციონირებას.

ტ. პარსონსის მიერ კონფლიქტის კვლევა ძირითადად ემყარებოდა რასისტულ და რელიგიურ წინააღმდეგობებს, ამიტომ კონფლიქტს მისთვის მხოლოდ უარყოფითი დატვირთვა აქვს და მას უფრო ხშირად უწოდებს „დაძაბულობას“.

ტ. პარსონსი კონფლიქტს მიიჩნევდა დამანგრეველ, მხოლოდ დესტრუქციული თვისებების მქონე მოვლენად და საზოგადოების განვითარების პროცესში ავადმყოფობას ისეთ ენდემურ ფორმად, რომლის თავიდან აცილება ძალიან რთულია. მას ეკუთვნის „სოციალური წესრიგის“ იდეა, რომლის მიხედვით კონფლიქტს სჯაბნის შეთანხმება. მან შეადგინა კონცეპტუალური სქემა, რომლის ბირთვს წარმოადგენდა პიროვნული დახასიათებით შენიღბული და კულტურით შემოფარგლული სოციალური სიტუციების ურთიერთქმედების პროცესი.

ტ. პარსონსისაგან განსხვავებით, რომელიც კონფლიქტს თვლიდა მხოლოდ დესტრუქციულ მოვლენად, გ. ზიმელი ფიქრობდა, რომ „კონფლიქტი არის სოციალიზმის ერთ-ერთი ფორმა“, რაც იმას ნიშნავს, სოციალური ჯგუფი არ შეიძლება იყოს საკსებით პარმონიული. სხვაგვარად იგი მოკლებული იქნებოდა სტრუქტურასა და განვითარების პროცესს. ჯგუფისათვის დისპარმონია ისეთივე აუცილებელია, როგორც პარმონია. ასოციაცია ისევე საჭიროა, როგორც დისოციაცია. ე.ი. კონფლიქტს არა აქვს მხოლოდ დამანგრეველი ფუნქცია. ჯგუფის ჩამოყალიბება ორივე შემთხვევაში მოვლენის შედეგია. მოსაზრება, რომ ერთი პროცესი ანგრევს მეორეს, არ შეესაბამება სინამდვილეს, რადგან ჯგუფში ურთიერთობების ჩამო-

ყალიბებას ხელს უწყობს როგორც „პოზიციური“, ისე „ნეგატიური“ ფაქტორები. კონფლიქტს, ისევე როგორც თანამშრომლობას, აქვს გარკვეული სოციალური ფუნქციები. ჯგუფში ამა თუ იმ ხარისხს კონფლიქტის არსებობა არ არის მაინცდამაინც დისფუნქციონალური მოვლენა და იგი ჯგუფის ჩამოტყალიბებისა და მისი ცხოვრებისუნარიანობის შენარჩუნების პროცესის მნიშვნელოვანი ელემენტია.

გ. ზიმელის აზრით კონფლიქტს შედეგი პოზიტიური ფუნქციები აქვს:

1. კონფლიქტი სოციალური სისტემებში ქმნის საზღვრებს ჯგუფებს შორის ჯგუფური ცხოვრებისა და თვითმყოფადობის გრძობის გაძლიერების გზით და, აქედან გამომდინარე, აყალიბებს ჯგუფის ინდივიდუალობას სოციალური სისტემის შიგნით;

2. „ურთიერთგანხიდევა“ ხელს უწყობს სოციალური სისტემის შენარჩუნებას მის სხვადასხვა ჯგუფებს შორის წონასწორობის დამყარების გზით.

როგორც ზემოთ აღინიშნა, ლ. კოზერი მრავალი ასპექტით იკვლევდა კონფლიქტის წარმოშობის პირობებსა და ფაქტორებს, ასევე მათ სიმწვავეს, ხანგრძლივობას, ფუნქციებსა და შედეგებს. მან ერთ-ერთმა პირველმა დაიწყო იმ ფუნდამენტალური საკითხების კვლევა, რომლებიც დაკავშირებული იყო კონფლიქტის სოციალურ დიაგნოსტიკასთან. იგი მოვიდა იმ დასკვნამდე, რომ კონფლიქტის აღიარება, როგორც სოციალური ურთიერთობების დამახასიათებელი განყოფილები ნაწილია, არ ეწინააღმდეგება არსებული სოციალური სისტემისა და სიმტკიცის სტაბილურობის უზრუნველყოფას.

კოზერის აზრით კონფლიქტი, როგორც სოციალური პროცესი, შეიძლება იყოს სოციალური სტრუქტურის ჩამოყალიბებისა და სტანდარტიზაციის ხელშეწყობი ინსტრუმენტი. კონფლიქტი ხელს უწყობს ჯგუფებს შორის საზღვრების დადგენასა და შენარჩუნებას, ჯგუფის იდენტურობის რეანიმაციას და იცავს მას ასიმილაციისაგან (ამითაა განპირობებული აფხაზთა მოქმედებები ბოლო წლების განმავლობაში).

გ. სორელის აზრით არსებობს მჭიდრო კავშირი კონფლიქტსა და ჯგუფურ დარაზმულობას შორის. იგი თვლიდა, რომ ჯგუფი მხოლოდ იმ შემთხვევაში შეინარჩუნებს თავის ინდივიდუალობასა და თვითმყოფადობას, თუ დაუპირისპირდება რომელიმე სხვა ჯგუფს. ეს ეხება არა მხოლოდ სოციალურ ფენებს, არამედ ეთნიკურ ჯგუფებსაც, რომლებიც დომინანტური ერის გარემოცვაში (მაგ. ჩინეები რუსეთში) არსებობენ.

სოციოლოგების აზრით განსხვავება ჯგუფებს შორის „ჩვენ“ - „ისინი“, იქმნება ეს ერთი ჯგუფის შიგნით თუ გარე ჯგუფებთან მიმართებით, მყარდება მხოლოდ კონფლიქტის დროს. ეს ეხება არა მხოლოდ

კლასობრივ კონფლიქტს, არამედ ეთნიკურსაც და პოლიტიკურსაც. ხაზგასასმელია ის გარემოებაც, რომ კონფლიქტი და მტრული გრძნობა არაა იდენტური ცნებები. კონფლიქტი თავს იჩენს მხოლოდ იმ შემთხვევაში, როდესაც საქმე გვაქვს ორი ან მეტი პირის ურთიერთქმედებასთან. მტრული გძნობა და მტრული დამოკიდებულება არასი წინასწარგანწყობა, მიმართული კონფლიქტური ქცევის გამოვლენისაკენ, კონფლიქტი კი ყოველთვის ქმედებაა, რომელიც სცილდება გარკვეულ საზღვრებს, მტრული დამოკიდებულების კონფლიქტში გადაზრდას განსაზღვრავს ის, თუ რამდენად კანონიერად ან არაკანონიერად არის უფლებები განაწილებული.

ამრიგად, შეიძლება დავასკვნათ, რომ ერთი ჯგუფის კონფლიქტი სხვა ჯგუფთან ან ჯგუფებთან ხელს უწყობს კონკრეტული ჯგუფის თვითგამორკვევასა და თვითმოყოფადობის შენარჩუნებას [2,30].

„კონფლიქტის თეორია“ რეალურად ჩამოყალიბდა 1961 წელს, როდესაც ლონდონში გამოვიდა იგნისიელი სოციოლოგის ჯონ რექსის ნაშრომი „სოციალური თეორიის ძირითადი პრობლემები“.

რექსი აკრიტიკებდა ტ. პარსონსის თეორიას ცალმხრივობის გამო და ცდილობდა შეექმნა საკუთარი, საზოგადოებრივი ცხოვრების სხვა საპირისპირო მხარის, მოდელი, სადაც მოქმედება ინსტრუმენტულია, წესრიგი-ძალადობითი, ურთიერთობა – კონფლიქტური. სრული ინტეგრაციის არარსებობა ჯ. რექსისათვის არის არა „უწესრიგობის“, არამედ საზოგადოების ორ ან მეტ კონფლიქტური მისწრაფებების მქონე ჯგუფად დაყოფის მანკენებელი. მისი აზრით ნებისმიერი სოციალური სისტემა შეიძლება აღმოჩნდეს ისეთ ვითარებაში, როდესაც შეზღუდულია რესურსები. ამიტომ სისტემას უნდა ჰქონდეს მათი გადანაწილების მექანიზმი: რესურსების ეკონომიკური განაწილება სოციალური სისტემის სხვადასხვა უბნის სათანადო შესაძლებლობების გათვალისწინებით, ძალაუფლების განაწილება ეკონომიკური განაწილების სისტემაში ნებისმიერი დარღვევის თავიდან ასაცილებლად; ძალაუფლების განაწილების ლეგიტიმურობის დამცავი ღირებულებები და ბოლოს, - რელიგიური რწმენები და რიტუალები, როგორც ღირებულებითი დანიშნულების მკაცრი დაცვის პროდუქტი [2,33].

ამგვარად, ინტეგრაცია არის განმანაწილებელი პროცესების შედეგი. ადამიანებს შორის კონფლიქტის თავიდან ასაცილებლად ღირებულებების გარშემო გაერთიანება უკვე აღარ კმარა, აუცილებელი ხდება შეთანხმება სხვა მნიშვნელოვან საკითხებშიც. მაგრამ კონფლიქტი შეიძლება მაინც მოხდეს, დაუშვავთ იმ მიზეზით, რომ მოცემულმა

საზოგადოებამ არათანაბარი საშუალებები და წახალისებანი წარმოადგინოს.

ჯ. რექსის აზრით ნებისმიერი საზოგადოების ცხოვრებაში კონფლიქტს ეთმობა ცენტრალური ადგილი, წესრიგი კი ხაისათდება ერთ-ერთი მხარის გამარჯვების შედეგად მიღწერულ „დაზავების“ ნიშნებით. „წმინდა კონფლიქტური მოდელის“ აგების დროს იგი გამოყოფს შესაძლებლობათა განაწილების პროცესს, რომელსაც უპირატესობას ანიჭებს თავად შესაძლებლობებთან. რექსი უარყოფს საზოგადოების ერთიანი, მთლიანი კულტურის, როგორც არაფორმალური სოციალური კონტროლის საფუძვლის არსებობა. იგი სოციალურ ცვლილებებს აღწერს, როგორც ძალაუფლებისათვის კონფლიქტების სერიათა პროდუქტს იმ ცალკეულ ჯგუფებს შორის, რომლებიც მოკლებულნი არიან როგორც დიფერენცირებული სოციალური ინსტიტუტების, ასევე სულიერ – ღირებულებებითი სისტემების კონტროლს.

სტაბილურობა რექსისათვის არის განუწყვეტელი კონფლიქტისა და მისი თანმხლები პროცესის – მაღალი ფენების მიერ დაბალი ფენების უკმაყოფილების დათრგუნვის შედეგი.

კონფლიქტის თეორიის განვითარების შემდგომ ეტაპზე განსაკუთრებული ყურადღება მიაქცეის თავად კონფლიქტს და მის როლს საზოგადოების განვითარების პროცესში და მის ცალკე დისციპლინად ჩამოყალიბებას შეეცადნენ. დაიწერა ისეთი მნიშვნელოვანი შრომები, როგორებიცაა ლ. კოზერის „სოციალური კონფლიქტის ფუნქცია“ და „კონფლიქტის სოციალური საფუძვლები“, კ. ბოულდინგის „კონფლიქტის ზოგადი თეორია“, რ. დარენდოფის „კლასები და კლასობრივი კონფლიქტები ინდუსტრიულ საზოგადოებაში“.

ფრანკმა სოციოლოგმა ა. ტურენმა ერთმანეთისგან გამიჯნა ინტეგრაციისა და კონფლიქტის კონცეპციები, რასაც „სხვადასხვა სოციოლოგია“ უწოდა. ერთ-ერთი მათგანი აერთიანებს დისციპლინებს, გამიჯნულს „სოციალური წესრიგისთვის“, ე.ი. ინსტიტუტებისა და ურთიერთობათა იმ ერთობლიობისათვის, რომელიც უზრუნველყოფს მოცემული სისტემის სტაბილურობას. მეორეა „მოქმედების სოციოლოგია“, რომელიც, პირველ რიგში დაინტერესებულია ცვლილებებით და მოქმედებებს განიხილავს, როგორც კონფლიქტის ჯაჭვს.

ა. ტურენის აზრით ნებისმიერი სოციალური პროცესი სხვა არაფერია, თუ არა სხვადასხვა რანგის და დონის სოციალური სტრუქტურათა შორის კონფლიქტების სისტემა.

მკვლევართა უმრავლესობა კონფლიქტოლოგიის კლასიკოსად მიიჩნევს ამერიკელ სოციოლოგსა და

ეკონომისტს კ. ბოულდინგს. იგი ცდილობდა რა შეექმნა კონფლიქტის ერთიანი თეორია, მის ჩარჩოებში აღწერს ცოცხალი და არაცოცხალი ბუნების ყველა გამოვლინებას. ცნება „კონფლიქტი“ მის მიერ ფართოდ გამოიყენება ფიზიკური, ბიოლოგიური და სოციალური მოვლენების ანალიზისას. კ. ბოულდინგის აზრით არაცოცხალ ბუნებაშიც კი მრავლადაა სხვადასხვაგვარი კონფლიქტები. იგი ამასთანავე აღნიშნავს კონფლიქტებში პოზიტიური ფუნქციების არსებობას. მისი თვალთახედვით გამარჯვება კონფლიქტში ხშირად დაკავშირებულია დამარცხების რეაქციებთან. ასე მაგალითად, საფრანგეთი – პრუსიის ომში (1870-1871) დამარცხების შემდეგ საფრანგეთი ხანგრძლივი პერიოდის განმავლობაში განიცდიდა აღმავლობის ფერწერაში, მუსიკაში, ლიტერატურაში, ხოლო გამარჯვებული პრუსია (გერმანია), მიუხედავად ეკონომიკური განვითარებისა, განიცდიდა კულტურულ სტაგნაციას.

კონფლიქტების თანამედროვე აღიარებული მკვლევარი, ამერიკელი დიპლომატი და პოლიტოლოგი დ. ბერტონი მიიჩნევს, რომ დიდი ხნის განმავლობაში აკადემიური კვლევები კონფლიქტოლოგიაში შემოიფარგლებოდა „ახსნიით“ კონცეპციების შექმნით და კონფლიქტური სიტუაციების საწყისების ძიებით. თანამედროვე ვითარებაში კი მკვეთრად გაიზარდა ინტერესი სხვადასხვაგვარი კონფლიქტების პრევენციის მეთოდებისა და მათი ანალიტიკური გადაწყვეტის მიმართ. ბერტონის აზრით თანამედროვე პირობებში მოგვარების ძირითადი ამოცანა მდგომარეობს კონფლიქტების თეორიისა და ტექნოლოგიის შექმნაში. ამისათვის საჭიროა კონფლიქტის ფენომენის ერთიანი გააზრება და გაგება. აუცილებელია გარკვეული სინთეზი ცოდნის სხვადასხვა დარგებს შორის. ადამიანური ურთიერთობების ანალიზისათვის ლოგიკურ საფუძვლად მკვლევარები მიიჩნევენ უნივერსალურ ადამიანურ მოთხოვნილებებს. პიროვნებები, სოციალური ჯგუფები, ასევე სხვადასხვა ერთეულები განისაზღვრება მის მიერ როგორც აქტიური სუბიექტები, რომლებიც აკონტროლებენ გარკვეულ სოციალურ გარემოს გარკვეული მოთხოვნილებების დაკმაყოფილების აუცილებლობის მიზნით.

კონფლიქტი და ძალადობა უფრო ხშირად სოციალურ პრობლემათა სპეციფიკური სიმპტომებია. სოციალური კონფლიქტები ახასიათებს ნებისმიერ საზოგადოებას. კონფლიქტში მონაწილე სოციალური ჯგუფები იბრძვიან მატერიალური და სულიერი სიმდიდრის, ძალაუფლების მოპოვებისა და ინტერესთა და პრეტენზიათა რეალიზაციისათვის. კონფლიქტები ყოველთვის წარმოიქმნება და ერთი

საზოგადოება მერიისაგან მასში კონფლიქტის არსებობა არაარსებით კი არ განსხვავდება, არამედ მის მიმართ დამოკიდებულებით. სწორედ ეს განსაზღვრავს კონფლიქტთა რეგულირების ისეთი რაციონალური მეთოდების არსებობას, რომლებიც მინიმუმადე შეამცირებს კონფლიქტებისაგან მომდინარე საშიშროებას (დ. კოზერი). თანამედროვე კონფლიქტოლოგები (მაგ. მორტონ დოინი) თავიანთი კვლევის საგნად იმ პირობების ძიებას მიიჩნევენ, რომელიც კონფლიქტებს მათი უკიდურესი, საშიში ფორმიდან თუნდაც ცხარე, მაგრამ მაინც კამათის სახემდე დაიყვანოს [2,41-42].

ცნობილი ამერიკელი პოლიტოლოგის ზბიგნევი ბუენისკის აზრით კლობალური უწყესრიგობისა და კონფლიქტების დაძლევა დაკავშირებულია მყარი დემოკრატიული ალიანსების შექმნის აუცილებლობასთან, საზოგადოების მიერ ეროვნულ და გლობალურ უსაფრთხოებას შორის ურთიერთსასარგებლო და მუდმივად გამყარებისაკენ მიმართული პარტნიორობა. ამასთან იგი ხაზს უსვამს იმას, რომ დემოკრატიის ფანატურმა წინსვლამ ისტორიული და კულტურული ტრადიციების გათვალისწინების გარეშე, შეიძლება დემოკრატიის უარყოფამდე მიგვიყვანოს. (დღეს დემოკრატიის – როგორც მართვის და ფასულებების სისტემის თავსმოხვევა ხდება გარედან მრავალ ქვეყანაში, სადაც ამისათვის არავითარი პირობები არაა. ამიტომ, რომ ყველა ავტორიტარი მმართველი და ტირანი დღეს „დემოკრატიას აშენებს“).

ბუენისკის აზრით, მიუხედავად იმისა, რომ ამერიკა ჯერ კიდევ არის გლობალური ზესახელმწიფო, ის დგას უცნაური პარადოქსის წინაშე, ამერიკელები სათივის უფრო მეტია საფრთხე, რომელიც მომდინარეობს შედარებით სუსტი (ირანი, ჩრდილო კორეა, ავღანეთი, ერაყი) სახელმწიფოებისაგან და სტრუქტურებისაგან. ის ფაქტი, რომ ამერიკას აქვს უდიდესი პოლიტიკური გავლენა, აქცევს მას შურის და ზიზღის ობიექტად. ასეთი ანტაგონისტური დამოკიდებულება შეიძლება შეგნებულად იყოს გაღვივებული ამერიკის მოიწინააღმდეგეებისაგან, რაც არსებითად მოქმედებს უსაფრთხოებაზე და ხელს უწყობს სხვადასხვაგვარი კონფლიქტების გაღვივებას. ამასთან დაკავშირებით ყურადღების ცენტრში ექცევა საზოგადოების თვითგადარჩენის უნარი მასობრივი განადგურებების საშუალებების გარდაუვალი გაერცელები, მსოფლიოში მუდმივი მძლეკარებისა და ტერორიზმის მიმართ ზრდიდა შიშის პირობებში. იგი მიიჩნევს, რომ ფუნდამენტალური სრომელიც ემუქრება მთლიანად სამყაროს, მდგომარეობს გლობალურ პოლიტიკურ არეულობაში,

## ბიზნეს-ინჟინერინგი. №2. 2012.

რომელსაც თან ახლავს ძალადობა. ეს არეულობა გამოიხატება სხვადასხვა ფორმით, ხოლო მის გამწვავებასა და გაღრმავებას ხელს უწყობს სიღარიბე, სოციალური უსამართლობა, ეროვნული შუღლი, ტომობრივი დაპირისპირება, რელიგიური ფანატიზმი და ფუნდამენტალიზმი [1,20].

2012 წლის თებერვალში ნიუ-ორკში გაიმართა ზ. ბუჩენსკის წიგნის „სტრატეგიული ხედვა: ამერიკა და გლობალური ძლიერების კრიზისი“ პრეზენტაცია.

პრეზენტაციის მიერ ბუჩენსკიმ ექსკლუზიური ინტერვიუ მისცა რუსულ გაზეთს „კოსმოდოგსკაია პრავდა“. კორესპონდენტის კითხვაზე: „თქვენს წიგნში აპოკალიფსურ სურათს ხატავთ, რომლის მიხედვითაც ამერიკა ეკონომიკურ ვარდნასთან ერთად პოლიტიკურ უძლურებასა და სტრატეგიულ იზოლაციაშია, მაშინ, როცა ჩინეთი ისტორიულ ნახტომს აკეთებს“, - იგი პასუხობს: „მართლაც, თუ აშშ განაგრძობს დაქვეითებას სამიანო პოლიტიკაში და გაუაზრებელ საგარეო პოლიტიკას მიჰყვება, მისი დაისი გარდაუვალი. თუმცა საბოლოო ჯამში მოგებულნი ჩინეთი როდი აღმოჩნდება. გაიმარჯვებს ქაოსი. მსოფლიოში დეცენტრალიზაციის პროცესი მიმდინარეობს. სიმძლავრე, ძალა, გავლენა გარდაუვალად ინაცვლებს დასავლეთიდან აღმოსავლეთისაკენ. საჭიროა გონიერული კომპრომისის მიღწევა, თუ ამას ვერ შეძლებთ, მსოფლიო ქაოსი გველის, რომლის იქით შეიძლება საკაცობრიო ცივილიზაციის დასასრულიც იყოს... მხედველობაში უნდა მივიღოთ გლობალური პოლიტიკური გამოვლიტების ფენომენიც. მანამდე არასოდეს ასე დიდ ხალხებს არ გამოუხატავთ საკუთარი პოლიტიკური თვითშეგნება და პოლიტიკური მისწრაფებები. ამან მსოფლიო რთულად სამართავეი გახადა. დასავლეთის დომინირების ფენომენმა არსებობა შეწყვიტა... უკანასკნელი 20 წლის განმავლობაში აშშ-მა საგარეო პოლიტიკაში ზომიერების გრძნობა და მორიდება დაკარგა“. ირანთან დაკავშირებულ კითხვაზე „როგორია იმის შესაძლებლობა, რომ ამერიკამ უახლოეს ხანებში ირანის წინააღმდეგ ომი წამოიწყოს?“ - იგი პასუხობს: „ირანი სერიოზული პრობლემაა, რომლის გადასაწყვეტად ბრძნული მიდგომაა საჭირო. უბრალოდ, ომში ჩათრევა არაგონიერულია, განსაკუთრებით ავღანეთში და ერაყში ათწლიანი სამხედრო მოქმედებების მერე, რასაც ჯერ ბოლო არ უჩანს“, გასათვალისწინებელია, რომ ბირთვული იარაღის პოტენციური ფლობა წინადასახეობაა, რის გამოც აშშ წინდახედული უნდა იყოს, სანამ ამ რეგიონში ომს წარმოიწყებს, ამგვარ ომებს გამარჯვებული არა ჰყავს. არ ღირს ილუზიების ტყვეობაში ყოფნა“.

კომუნისტურ პერიოდში კონფლიქტების, განსაკუთრებით კი სოციალური, ეთნიკური და პოლიტიკური კონფლიქტების კვლევის ყურადღება ფაქტიურად არ ექცეოდა. საბჭოთა კავშირის დაშლის შემდეგ პირველად რუსეთში, მერე კი კონფლიქტური სიტუაციების მქონე ქვეყნებში – საქართველოში, აზერბაიჯანში, სომხეთში, მოლდოვაში დაიწყო კონფლიქტოლოგიური კვლევები. კონფლიქტური კვლევები საქართველოში, რუსეთთან შედარებით, უფრო გვიან დაიწყო. ამჟამად თბილისში ფუნქციონირებს კონფლიქტებისა და მოლაპარაკებების საერთაშორისო ცენტრი, რომელიც რეგულარულად აწვობს დისკუსიებს, პრეზენტაციებს, აქვეყნებს მასალებს კონფლიქტების პრობლემატიკასთან დაკავშირებულ და მათი დროული მოგვარების გზების შესახებ. საქართველოს ტექნიკური უნივერსიტეტიში წლების განმავლობაში ფუნქციონირებდა კონფლიქტოლოგიის საბაკალვრო და სამაგისტრო პროგრამა (ამჟამად ეს უკანასკნელი კვლავ აღდგა 2012 წლიდან). დღემდე ჩატარებულ კვლევებს შორის ყველაზე მნიშვნელოვან ნაშრომად შეიძლება ჩაითვალოს 2007 წელს სტუ გამოცემლობის მიერ რუსულად დასტამბული ა. ფრანგიშვილის და ს. პროკოპიევის ნაშრომი „კონფლიქტოლოგია“ (გადაწყვეტილებათა მიღების მხარდაჭერის კომპიუტერული მოდელები). [1]. ასევე მნიშვნელოვან გამოკვლევად უნდა ჩაითვალოს ლია მელიქიშვილის „კონფლიქტთა ანთროპოლოგია (ეთნიკური ასპექტები)“ (თბილისი, 2006) [2]; კონფლიქტოლოგიის დისციპლინის სწავლებას და კვლევებში მნიშვნელოვანი წვლილი შეიტანა რევაზ ჯორბენაძის წიგნებმა: პოლიტიკური კონფლიქტების მართვა (სალექციო კურსი), თბ., 2001, „სკალირების მეთოდები“, თბ., 2000. ამ საქმეში ასევე მნიშვნელოვანი წვლილი შეიტანა ქართველმა მკვლევარებმა გ. ხუციშვილმა, ნ. ხაზარაძემ, ი. კვესელავამ, ნ. ჯორჯიკიამ, შ. მალაშხიამ, მ. გურამიშვილმა, დ. პიპინაშვილმა, ვ. გურგენიძემ, ვ. შუბითიძემ, ზ. დავითაშვილმა, ჯ. გახოკიძემ, პ. კუპრაშვილმა, პ. ცინცაძემ, ე. გვერეთაძემ, ქ. ჯიჯუიშვილმა, თ. გრიგოლიამ, ნ. ზაალიშვილმა, მ. ამირგულაშვილმა, და სხვებმა.

საქართველოს ტექნიკური უნივერსიტეტში კონფლიქტოლოგიის აქტუალურ საკითხებზე დაცული იქნა 2 სადოქტორო დისერტაცია (ლ. ტულუში „საერთო ეკონომიკური ინტერესები, როგორც კონფლიქტის მოწესრიგების გზა“, თბ., სტუ, 2009, დ. ცუცქერიძე „კონფლიქტი პოლიტიკურ პროცესებში (საქართველოს მაგალითზე)“, თბ. 2011) (გამოყენებული ლიტერატურის სია იხილეთ დისერტაციის ბოლოში).

კონფლიქტური კვლევების გააქტიურებას ხელი შეუწყო 2008 წლის აგვისტოს რუსულ-ქართულმა სამხედრო კონფლიქტმა, რომელიც კინალამ სერიოზული საერთაშორისო კონფლიქტში გადაიზარდა. სწორედ ამის შემდეგ გამოქვეყნდა რამდენიმე საინტერესო წიგნი და სტატია, მათ შორის ჟურნალ „საისტორიო ფესტივალებში“.

სამეცნიერო კვლევები საქართველოში კონფლიქტოლოგიის სხვადასხვა მიმართულებებში სულ უფრო ინტენსიური ხდება, რაც სერიოზულ შედეგებამდე მიგვიყვანს და დასაბამს დაუდებს აფხაზეთსა და შიდა ქართლის (ცხინვალის რეგიონის) პრობლემების მოგვარებას და სამართლებრივ-პოლიტიკურ მშვიდობიან გადაწყვეტას.

**Research conflict in Georgia and foreign countries**

*Nino Tsereteli*

**Summary**

The article analyzes the idea of conflict, it's evolution at antropology reaseach. It reviews well-known

authors A.Durghheim, A. Radklif-Braun, B. Malinisk, E. Vanspritchad, R. Merton, Marx Weber, G. Soler and others views, wich partly opposed each other, but otherwise enrich performances about conflict.

**გამოყენებული ლიტერატურა:**

1. А. И. Прангишвили, (В. Прокопьев, Конфликтология (компютерные модели поддержки принятия решений), Тбилиси, изд. ГТУ., 2007г .
2. ლიამელიქიშვილი, კონფლიქტისანთროპოლოგია (ეთნიკური ასპექტები), თბ., 2006.
3. Sumner W.G. War//wspa, 1964.
4. Glakman M. Castom and Conflict in Africa. Oxford, 1955.
5. White L.A. The Science of Culture, NY., 1949.
6. Montagu M.F.A. The Nature of Human Aggression, NY. 1976.
7. კონფლიქტური სიტუაციები ეთნიკურ საზოგადოებაში, თბ., 1998
8. ზ. ზუქინსკი., “ამერიკამ საგარეო პოლიტიკაში ზომიერების გრძნობა დაკარგა,” გაზეთი საქართველო და მსოფლიო. 22-28 თებერვალი 2012.